



Broj: 09-20-11-2-3138

Dana: 25.02.2022 godine

Na osnovu člana 43. i 45. Zakona o unutrašnjim poslovima Federacije Bosne i Hercegovine („Službene novine Federacije BiH“ broj: 81/14), člana 25., 69. stav (1) tačka b), stava (2), tačka e), člana 70. i člana 100. stav 3. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje otvorenih postupaka nabavke u 2022. godini, odlučujući po žalbi ALF-OM d.o.o. Banja Luka, Zamjenik direktora Federalne uprave policije, d o n o s i:

ODLUKU

o djelimičnom usvajanju žalbe i poništenju postupka Javne nabavke tonera i ketridža

1. Djelimično se usvaja žalba ponuđača ALF-OM d.o.o., Banja Luka broj: 016/22 od 22.02.2022. godine izjavljena na Odluku o izboru najpovoljnijeg ponuđača broj: 09-20-11-2-3138 od 16.02.2022. godine.
2. Stavlja se van snage Odluka o izboru napovoljnijeg ponuđača KMC d.o.o. Banja Luka broj: 09-20-11-2-3138 od 16.02.2022. godine.
3. Poništava se otvoreni postupak javne nabavke tonera i ketridža broj: 09-20-11-2-3138 od 28.12.2021. godine.
4. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Ugovorni organ je proveo otvoreni postupak javne nabavke tonera i ketridža po Obavještenju o javnoj nabavci broj: 1412-1-1-20-3-9/22, koje je objavljeno u Službenom glasniku BiH broj: 4/22 od 28.01.2022. godine, u kojem je Komisija utvrdila da su u predviđenom roku za dostavljanje ponuda pristigle dvije ponude, i to ponuđača ALF-OM d.o.o., Banja Luka i KMC d.o.o. Banja Luka, što je i konstatovala u svom Zapisniku sa otvaranja ponuda od 07.02.2022. godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH, nakon čega je utvrđeno da su prispjele ponude navedenih ponuđača formalno pravno- ispravne za dalje razmatranje i provođenje E- aukcije, što je konstatovano u Zapisniku o pregledu i ocjeni ponuda broj: 09-20-11-2-3138 od 11.02.2022. godine.

Nakon provedene E-aukcije, Komisija je zaprimila Izvještaj o toku i završetku E-aukcije broj: 1412-1-20/22 od 16.02.2022. godine, te utvrdila da je skladu sa rezultatima pomenutog Izvještaja, ponuda ponuđača KMC d.o.o. Banja Luka sa ponuđenom konačnom cijenom od 30.400,00 KM

bez PDV-a, odnosno 35.568,00 sa PDV-om, najpovoljnija, prihvatljiva i formalno pravno ispravna u opštem i tehničkom smislu, te da zadovoljava uslove iz tenderske dokumentacije za nabavku tonera i ketridža, te je Komisija dala preporuku da se u skladu sa članom 70. Zakona o javnim nabavkama BiH, donese Odluka o izboru najpovoljnijeg ponuđača KMC d.o.o. Banja Luka, što je konstatovano u Zapisniku o pregledu i ocjeni ponuda od 16.02.2022. godine, nakon čega je od strane ugovornog organa donesena Odluka o izboru najpovoljnijeg ponuđača broj:09-20-11-2-3138 od 16.02.2022.godine na koju je ponuđač ALF-OM d.o.o. Banja Luka dana 22.02.2022.godine izjavio žalbu.

Žalitelj ALF-OM d.o.o. Banja Luka u izjavljenoj žalbi navodi da je dana 18.02.2022.godine, putem fax-a zaprimio Odluku o izboru najpovoljnijeg ponuđača broj: 09-20-11-2-3138 od 16.02.2022.godine u postupku nabavke tonera i ketridža, kojom je kao najpovoljniji ponuđač odabran KMC d.o.o. Banja Luka, kao i da mu je dana 21.02.2022.godine, odobren uvid u ponudu ponuđača KMC d.o.o. Banja Luka, nakon čega želi da ukažu na sljedeće nepravilnosti:

1. Da je KMC d.o.o. Banja Luka u svojoj ponudi broj: 05/02MS/22 od 04.02.2022. godine načinio nepravilnost i u Obrascu za ponudu nije upisao broj obavještenja sa Portala JN u rubriku koja je za to predviđena, što ukazuje da je ponuda formalno-pravno neispravna.
2. Da je Ugovorni organ Obrascem za cijenu ponude stavkom 45. tražio „Rimage media KIT E400/E600 1000 DVD“, uz navođenje da pomenuti artikal u originalu sa oznakama 3002886-E46, DVD Media Kit Everest, BLK (Includes 1.000 DVD Rs, 1 Black + Retransfer Ribbons) uključuje komplet od 1.000 komada DVD-R-ova, jedan crni ribon i dva retransfer ribona i da sve zajedno pobrojane komponente čine artikal koji je tražen pod rednim brojem 45, a da je ponuđač KMC d.o.o. Banja Luka u svojoj ponudi 05/02MS/22 u stavci pod rednim brojem 45. ponudio 1.000 komada običnih DVD-R-ova proizvođača Verbatim, i to 10 pakovanja po 100 komada na spindlu, što nikako nije „Rimage media KIT E400/E600 1000 DVD“, kao što je to traženo stavkom 45. Obrasca za cijenu ponude“.

Obzirom na navedeno, žalitelj je izjavio žalbu te predlažio da ugovorni organ na osnovu člana 100. ZJN donese odluku kojom usvaja predmetna žalba, poništi donesena osporavana odluka, izvrši provjera navoda koji su navedene u žalbi i ustanovi da ponuda ponuđača KMC d.o.o. Banja Luka nije ocijenjena u skladu sa zahtjevima koji su navedeni u Tenderskoj dokumentaciji – Otvoreni postupak javne nabavke nabavke tonera i ketridža broj:09-20-11-2-3138 od 28.12.2021.godine, koja je objavljena na Portalu javnih nabavki 19.01.2022.godine pod brojem:1412-1-1-20-3-9/22, poništi E-aukciju, te pristupi provjeri i ponovnom ocjenjivanju ponuda i ponudu ponuđača KMC d.o.o. Banja Luka ocijeni neprihvatljivom, te donese nova odluka kojom bi bio izabran ponuđač ALF-OM d.o.o. Banja Luka, Poslovna jedinica Istočno Sarajevo sa svojom početnom ponudom, koja je jedina sačinjena u skladu sa Tenderskom dokumentacijom i u skladu sa Obrazcem za cijenu ponude tog Otvorenog postupka.

Žalitelj navodi da, ukoliko ugovorni organ ne usvoji njegovu žalbu, zahtijeva da se ista proslijedi u roku od 5 dana drugostepenom organu – Kancelariji za razmatranje žalbi, te predlaže da Kancelarija za razmatranje žalbi istu usvoji i poništi osporavanu odluku uz navođenje prijedloga dokaza: Tenderska dokumentacija – Otvoreni postupak broj:09-20-11-2-3138 od 28.12.2022.godine, Obavještenje o nabavci broj:1412-1-1-20-3-9/22 od 19.01.2022.godine, Odluka o izboru najpovoljnijeg ponuđača broj:09-20-11-2-3138 od 16.02.2022.godine i ponuda ponuđača KMC d.o.o. Banja Luka broj:05/02MS/22 od 04.02.2022.godine.

Komisija je postupajući po žalbi utvrdila da je žalba blagovremena, dopuštena i izjavljena od ovlaštenog lica, te je stoga Komisija ponovno izvršila uvid u dostavljenu ponudu ponuđača KMC d.o.o. Banja Luka.

Vezano za prvi ožalbeni navod, prema kojem je ponuđač KMC d.o.o. Banja Luka u svojoj ponudi broj: 05/02MS/22 od 04.02.2022. godine načinio navodnu nepravilnost i u Obrascu za ponudu nije upisao broj obavještenja sa Portala JN u rubriku koja je za to predviđena, što prema navodima žalitelja ukazuje da je ponuda formalno-pravno neispravna, Komisija konstatuje da u Obrascu za ponudu-Anex I nije upisan broj označen na mjestu „Broj obavještenja sa Portala JN:”, ali da je u nastavku teksta Ponude na istoj strani broj obavještenja u navedenoj Ponudi ispisan broj ponude na mjestu: „U postupku javne nabavke koju ste pokrenuli i koja je objavljena na Portalu javnih nabavki broj obavještenja o nabavci 1412-1-1-20-3-9/22 dana 19.01.2022.godine dostavljamo ponudu i izjavljujemo slijedeće”, što se prema stavu Komisije ne može smatrati neispravnom ponudom u formalno-pravnom smislu, koja bi kao takva bila neprihvatljiva, te da je nesporno i nedvosmisleno da se navedena ponuda ponuđača odnosi na predmetno Obavještenje o nabavci tonera i ketridža prema kojem je nakon rada Komisije ista ocijenjena kao najpovoljnija, prihvatljiva i formalno pravno ispravna u opštem i tehničkom smislu, koja zadovoljava uslove iz tenderske dokumentacije, iz kojeg razloga je Komisija dala preporuku da se u skladu sa članom 70. Zakona o javnim nabavkama BiH, donese Odluka o izboru najpovoljnijeg ponuđača broj:09-20-11-2-3138 od 16.02.2022.godine.

Komisija pomenuti navod žalitelja ponuđača ALF-OM d.o.o. Banja Luka ocijenila u potpunosti neosnovan.

Vezano za drugi ožalbeni navod, prema kojima je Ugovorni organ Obrascem za cijenu ponude stavkom 45. tražio „Rimage media KIT E400/E600 1000 DVD”, navodeći da pomenuti artikal u originalu sa oznakama 3002886-E46, DVD Media Kit Everest, BLK (Includes 1.000 DVD Rs, 1 Black + Retransfer Ribbons) uključuje komplet od 1.000 komada DVD-R-ova, jedan crni ribon i dva retransfer ribona i da sve zajedno pobrojane komponente čine artikal koji je tražen pod rednim brojem 45, a da je ponuđač KMC d.o.o. Banja Luka u svojoj ponudi 05/02MS/22 u stavci pod rednim brojem 45. ponudio 1.000 komada običnih DVD-R-ova proizvođača Verbatim, i to 10 pakovanja po 100 komada na spindlu, što nikako nije Rimage media KIT E400/E600 1000 DVD”, kao što je to traženo stavkom 45. Obrasca za cijenu ponude, Komisija je uputila akt broja: 09-20-11-2-3138 od 24.02.2022. godine Sektoru za podršku FUP-e s ciljem pribavljanja mišljenja da li je predmet nabavke „Rimage media KIT E400/E600 1000 DVD” odgovarajući/ekvivalent sa ponudom ponuđača KMC

d.o.o. Banja Luka broj: 05/02MS/22 naznačen u stavci pod rednim brojem 45. „Rimage media KIT E400/E600 1000 DVD” – DVD-r 16x 4.7gb spindle matt silver Verbatim (100/1)x10.

Dana 25.02.2022. godine Komisija je zaprimila akt Sektora za podršku Federalne uprave policije broja 11-11/7-11-2-3-3138 od 25.02.2022. godine kojim je navedeno da je krajnji korisnik DVD medija za pohranu podataka dostavio mišljenje sa obrazloženjem da DVD tipa „DVD-r 16x 4.7gb spindle matt silver Verbatim (100/1)x10” nije odgovarajući medij odnosno ekvivalent medija „Rimage media KIT E400/E600 1000 DVD” za kojim je iskazana potreba, te da se za poslove i zadatke zbog kojih je iskazana potreba za Rimage DVD medijima ne mogu koristiti drugi zamjenski mediji.

Zbog navedenog Komisija je ocijenila da je pomenuti navod žalitelja ponuđača ALF-OM d.o.o. Banja Luka osnovan.

U skladu sa članom 100. stav 3. Zakona o javnim nabavkama, Komisija je konstatovala da je izjavljena žalba ponuđača „ALF-OM” d.o.o. Banja Luka djelimično osnovana („prvi žalbeni navod neosnovan, a drugi u cjelosti osnovan) te da je ponuda ponuđača „KMC” d.o.o. Banja Luka za ugovoreni organ ne prihvatljiva. Iz neprijed navedenog, Komisija je predložila da se poništi Odluka o izboru najpovoljnijeg ponuđača KMC d.o.o. Banja Luka broj:09-20-11-2-3138 od 16.02.2022.godine za nabavku tonera i ketridža.

Ponovnim pregledom i ocjenom ponude ponuđača ALF-OM d.o.o. Banja Luka, Komisija je konstatovala da ponuđena cijena početne ponude iznosi 35.526,30 KM bez PDV-a, a da je procijenjena vrijednost nabavke 32.433,00 KM bez PDV-a.

Obzirom da je ponuđena cijena za predmetnu nabavku veća od osiguranih finansijskih sredstava i prevazilazi procijenjenu vrijednost nabavke, Komisija je u skladu sa odredbama člana 25., 69. stav (1) tačka b), stava (2)., tačka e), člana 70. i člana 100 stav 3. Zakona o javnim nabavkama BiH („Službeni glasnik BiH” broj: 39/14), predložila donošenje Odluke o poništenju postupka nabavke tonera i ketridža

Razmatrajući prijedlog Komisije zamjenik direktora donosi Odluku kao u dispozitivu.

Pouka o pravnom lijeku: Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

152-45/22

Dostaviti:

- ALF-OM doo Banja Luka
- KMC doo Banja Luka
- Sektor za mat. fin. poslove
- u spis

